

MADDE YATIMLANDIKTAN
SONRA GELEN DOKÜMAN

18625 DURİĆ, Rašid. Duhovni most između islamskoga
orijenta i kršćanskoga okcidenta u monografiji
„Kultura Bošnjaka“, Tuzla, Zagreb 1994. Dr. Smaila
Balića - prilog austrijsko-bosanskom Simpozijumu
o Balićevom djelu koji je održan u Sarajevu u
septembru 2006. *Almanah: Časopis za Proučavanje,
Zaštitu i Presentaciju Kulturno-Istorijske Baštine
Bošnjaka/Muslimana*, 41-42 (2008) pp. 363-375.

Tuzla
198830
Zapret
280488

30 Nisan 2019

230422

Džamija u Zagrebu. U spomen otvorenja (La mosquée à Zagreb), Zagreb.

Zakladni Odbor..., 1943, 1 vol. in-8°, 151 pp.

Recueil d'articles divers, tous très intéressants (d'une façon ou d'une autre), ne serait-ce que pour l'optique dans laquelle ils ont été conçus, et pour la position officielle de l'éphémère État croate oustachi envers ces problèmes.

24 | EXIM 1998

MADDE YAYIMLANDIKTAN
KONRA GELEN DOKÜMAN

- 4007 ŠARLIJA, Tomislav. Jasenice pod vlašću Osmanlija i Mlečana od XVI. do konca XVIII. stoljeća. *Povijesni Prilozi. Historical Contributions*, 43 (2012) pp. 135-175. Translated Title: Jasenice under the Ottoman and the Venetian rule from the sixteenth to the end of the eighteenth centuries Abstract(s): English.

Zagreb
230488

28 Temmuz 2015


ODBOR ISLAMSKJE ZAJEDNICE U ZAGREBU
UPUTIO JE APEL MUSLIMANIMA ZA POMOC ZA

IZGRADNJU ISLAMSKOG CENTRA U ZAGREBU

Vrhovni sabor Islamske vjerske zajednice na svom zasjedanju koncem 1968. u Zagrebu i 1969. u Prištini zaključio je da se preporuča svim odborima i ostalim organima IVZ u SFR Jugoslaviji da materijalno pomognu izgradnju Islamskog centra u Zagrebu.

Ovu posebnu pažnju posvetio je najviši organ IVZ u našoj zemlji ovom pitanju zbog toga što je gradnja Centra u Zagrebu od šireg interesa i dalekosežnog značenja, a po svojoj veličini i ljepoti prevazilazi mogućnosti jednog džemata da podnese sve troškove.

Islamski centar u Zagrebu treba da služi kao vjersko i kulturno-islamsko središte za oko sto tisuća muslimana, koji žive na području SR Hrvatske i SR Slovenije, gdje nema druge džamije, već samo nekoliko



Maketa Isl. centra u Zagrebu

lokalnih mesdžida. Zbog stalnog dolaska muslimana, naročito iz Bosanske Krajine, ovaj broj džematlija brzo raste.

Osim Bosansko-hercegovačkih i sandžačkih Muslimana, koji se od početka XX vijeka naseljavaju u ove krajeve »trbuhom za kruhom«, ima dosta i džematlija iz SR Makedonije, SR Crne Gore i SAP Kosova. Oni su okupljeni u desetak džemata, koji gravitiraju najvećem Odboru IVZ u Zagrebu.

Zagreb, međutim, kao veliki kulturno-znanstveni i industrijski centar naše zemlje, veoma često je gost raznih delegacija i pojedinaca iz islamskih zemalja Azije i Afrike. On je i velika turistička raskrsnica, kroz koju prolaze rijeke turista, željnih da vide i orijentalni objekt, kakav će biti Islamski centar, koji će i sa te strane biti značajna i privlačna atrakcija.

Više stotina studenata iz raznih arapskih zemalja studira u Zagrebu. Na njegovim institutima i sveučilištima ima iz islamskih zemalja struč-

njaka na specijalizaciji i usavršavanju. Mnogi od njih su zainteresirani da postoji Islamski centar u kome mogu obaviti molitvu i sresti se sa ostalom islamskom braćom.

Centar u Zagrebu je zamišljen kao najmodernija džamija novog doba. On treba da udovolji vjerskim, vjersko-prosvjetnim i tradicionalnim željama džematlija. Zbog toga on obuhvata uz velelepnu džamiju i ostale neophodne objekte: mekteb, knjižnicu, čitaonicu, predavaonicu, dvoranu, uredske prostorije i niz pratećih objekata, oko kojih će biti parkiralište, šadrvani, dječje igralište i sl., sve na površini od oko 7.500 m².

Za gradilište Islamskog centra Skupština grada Zagreba odredila je teren na vrhu Srebrnjaka, u sjevernom djelu grada, odakle se prostire pogled na cijeli Zagreb. Ovom izgradnjom će se zadovoljiti jedna značajna potreba Muslimana ovih krajeva, za koju je inicijativa otpočela još prije 70 godina u Zagrebu. Našoj generaciji palo je u čast da je ostvari.

Zbog specifičnosti i značenja objekta, pozvani su veoma ugledni graditelji Zagreba i Sarajeva da učestvuju u natječaju. Oni su se i odazvali. Nedavno je žiri među pet projekata odabrao kao najbolji onaj koji su izradili prof. Arhitektonskog fakulteta u Sarajevu i poznati naš stručnjak na ovom polju prof. Neudhart i doc. ing. arh. Čelić, direktor Urbanističkog zavoda grada Sarajeva. Na priloženoj fotografiji vidi se njihov nacrt, koji je plod dubljeg studija i predstavlja sintezu najmodernijih dostignuća arhitekture i poznatog stila džamija u Bosni i Hercegovini.

Poznato je koliko je po uzvišenim islamskim propisima preporučena izgradnja džamija. To spada među najbolja i najtrajnija djela, koja ostaju vjekovima kao spomen dobročinitelja. Džamije su građene od prvih dana Islama kao najljepši i najvažniji objekti. U početku se u njima odvijao sav vjerski i drugi javni život. Kasnije su iz njih izrasle škole i druge ustanove, koje su u to vrijeme bile dio vodeće islamske kulture u svijetu.

Muhamed as. je veoma preporučivao muslimanima da materijalno pomognu izgradnju džamija. Poznati su njegovi hadisi: »Bogu su džamije najdraža mjesta«, ili »Tko sazida džamiju u ime Božje, Bog će njemu istu taku sazidati u dženetu«, itd. Cijeneći džamije u tom smislu, naši su preci izgradili mnoge džamije u našim krajevima. Naš je zadatak da izgradimo jednu u kraju gdje je dosad nije bilo, a džematlije su se naselile.

Obraćamo se svim starješinstvima, glavnim imamima i imanima, odborima, i drugim funkcionerima IVZ, te džematlijama posebno, moleći da nitko ne ostane tko neće svojim novčanim prilogom pomoći izgradnju Centra u Zagrebu. Mi očekujemo da će svaki od odbora i drugih organa IVZ dati svoj doprinos i provesti svestranu akciju među džematlijama tako da nijedan odbor neće izostati a da ne pošalje svoj doprinos. Najbolje prilagače ćemo upisati kao vakife Centra.

Sve priloge molim slati na naš žiro račun.

301-620/1001-4-3547

Unaprijed hvala, uz srdačan selam,

Odbor IVZ u Zagrebu

ODBOR IZ — ČAPLJINA — svojim apelom obratio se svim Odborima IZ za prikupljanje priloga za izgradnju džamije u selu Jašenice kod Čapljine. Kako se još dobar broj Odbora nije odazvao, Odbor — Čapljina moli sve Odbore koji se nisu odazvali da mu priteknu u pomoć. I onima koji su već poslali prikupljene priloge i onima koji će ih poslati, Odbor se najtoplije zahvaljuje i želi od Svevišnjeg Boga sve najbolje, uz bratski mahsus selam!